

# Naknada licima sa i

Usvajanjem Nacrta zakona o jedinstvenim načelima i okviru materijalne podrške lica sa invaliditetom ispravlja se nepravda prema ovoj populaciji u FBiH

Piše: **AMELA LONČARIĆ**

Predstavnički dom Parlamenta FBiH usvojio je na jučerašnjoj sjednici Nacrt zakona o jedinstvenim načelima i okviru materijalne podrške lica sa invaliditetom.

## Posebna saradnja

Vesko Drljača, federalni ministar rada i socijalne politike, rekao je da je riječ o zakonu kojim se na sistemski način uređuje pitanje materijalne podrške osobama sa invaliditetom, te da je u pripremi zakona Ministarstvo posebnu saradnju ostvarilo sa Vijećem osoba sa invaliditetom FBiH.

- Važeći zakon o osnovama socijalne zaštite, zaštite civilnih žrtava rata i zaštite porodice sa djecom

mijenjan je sedam puta i u dobrom dijelu je prevaziđen, te se pristupilo izradi četiri potpuno nova zakona, uključujući i ovaj kojim se uređuju pitanja zaštite osoba sa invaliditetom. Ovim zakonom utvrđuju se definicije osoba sa invaliditetom i samog invaliditeta, jedinstvena načela i institucionalni model za ocjenu stepena invaliditeta, okvir i jedinstveni pristup materijalne podrške lica sa invaliditetom. Također se utvrđuju osnovna prava, obim i uslovi pod kojima se ostvaruju osnovica za ta prava, finansiranje, nadzor nad primjenom zakona i druga pitanja od značaja za ostvarivanje prava osoba sa invaliditetom, rekao je Drljača.

Ističe da je Institut za medicinsko vještačenje zdravstvenog stanja prvi put donio Pravilnik o kriterijima i postupku medicinskog vještačenja zdravstvenog stanja i Jedinstvenu listu invaliditeta za sve osobe sa invaliditetom, bez obzira na uslov nastanka invaliditeta u skladu sa listom Svjetske zdravstvene organizacije.

- Osnovica za obračun novčanih davanja veže se za 80 posto najniže cijene rada u FBiH, koja iznosi 596 KM, tako da je osnovica 434 marke. Usklađuje se sa rastom najniže cijene rada. Visina lične invaliditeta za prvu kategoriju (oštećenje organizma 100 posto) je 40 posto od osnovice i iznosi 173 KM, a za drugu kategoriju (90 posto) naknada je 30 posto osnovice, odnosno 130 KM. Ukupno predloženi maksimalni iznos mjesečne novčane naknade za osobe sa invaliditetom je 637 KM. Dosad je to bilo 403 KM, kaže Drljača.



Nije prihvaćen zahtjev za smjenu Lidije Bradare / SENAD GUBELIĆ

Poslanici su osudili napad Halila Bajramovića, poslanika NiP-a, na Sulejmana Samardžića iz NES-a, a Elmedin Konaković, predsjednik NiP-a, najavljuje sankcije

# Invaliditetom je 637 KM



Predstavnički dom nije se bavio prijedlozima poslodavaca

Jasna Duraković (SDP BiH), predsjednica Odbora za rad i socijalnu zaštitu, kaže da je Odbor podržao nacrt zakona, te zatražio od resornog ministarstva da provede javnu raspravu u roku od 30 dana, nakon što Nacrt zakona odobri i Dom naroda.

Svi zastupnici su tokom diskusija istakli da je usvajanje ovog zakona put ka ispravljanju dugogodišnje nepravde prema ovoj populaciji i da tokom javne rasprave trebaju biti maksimalno posvećeni ispravljanju određenih nedorečenosti.

Sugerisala bih resornom ministarstvu da kod izrade ovakvih nacrta uzima u obzir preporuke ombudsmana za ljudska prava, koji upućuju na nedorečenosti članova 10,

11, 12. i 20. zakona, kao i na potrebu proširenja kruga onih koje treba dodatno zaštititi. Nemamo odgovor na suštinsko pitanje, a to je diskriminacija po osnovu uzroka nastanka invaliditeta, istakla je Alma Kratina, zastupnica DF-a.

U Uniji osoba i organizacija osoba sa invaliditetom FBIH očekuju da prijedlog zakona bude pred zastupnicima do ove jeseni.

Klub DF-a zatražio je da se u dnevni red uvrsti zahtjev za smjenu/razrješenje predsjednice FBIH Lidije Bradare zbog kršenja zakletve, odnosno nedostojnosti za vršenje navedene funkcije jer je iznijela sporne i neprihvatljive stavove u pogledu osuđenog ratnog zločinca Darija Kordića. Zahtjev nije izglasan, a nakon pojedinačnog

izjašnjavaanja, za su glasala 32 poslanika, 51 je bio protiv, dok ih je dvoje bilo suzdržano.

## Privremeno rješenje

Poslanici nisu prihvatili urgenciju federalne Vlade da Predstavnički dom razmatra Prijedlog zakona o izmjeni i dopuni Zakona o doprinosima FBIH i Prijedlog zakona o dopuni Zakona o porezu na dohodak FBIH. Ranije su iz Udruženja poslodavaca u FBIH i Saveza samostalnih sindikata (SSS) BiH istakli da su ponuđena privremena rješenja do usvajanja sistemskih propisa koji su u proceduri skoro sedam godina.

Kako je obrazloženo urgencijom, usvajanjem izmjena i dopuna tih zakona omogućilo bi se povećanje plaća zaposlenih u realnom sektoru

Iako je bilo najavljeno, jučer nije nastavljena sjednica Komisije za izbor i imenovanja, koja treba da utvrdi prijedlog kandidata za sudiju Ustavnog suda BiH

do 400 KM. Prema predloženim izmjenama zakona, na ta povećanja neto primanja radnika, privredna društva i obrtnici plaćali bi samo umanjene doprinose za penzijsko i zdravstveno osiguranje, što bi omogućilo da ukupno povećanje plate ide direktno radnicima.